

飴山詩集



831037

館山詩集卷之十一

紅葉山樓集上 古律詩三十二首

夏日移居山莊四首

長日生清興，幽棲向遠山。人惟恐近無事，更圖閒白石。知心素黃鸝，約往還悠然。顧城市便覺，不相關。

香綠襲衣裾，逍遙恣所如。田家麥秋至，村落棗花初。舊蠟登山屐，新鈔種樹書。北窗容倦臥，無暇賦閒居。

南風吹好雨，與我忽同來。野色一時活，嵐光四面開。林花爭浥露，園筍乍抽雷。誰訪清涼國，平分頓遜杯。

館山詩集

一

歌枕雨聲清，高樓馬耳平。岳雲飛斷續，溪漲上分明。夏庇心難遂，田疇計已成。沉吟身世事，惟有學躬耕。

卽事

繞屋千章樹，連村二項田。溪聲翻麥浪，山雨淨林烟。地僻聊充隱，樓居不學仙。祇應似彭澤，種秫徧門前。

村舍

亂峯重疊水橫斜，村舍依稀在若耶。垂老漸能分菽麥，全家合得住烟霞。催風筍作低頭竹，傾日葵開衛足花。兩玩山姿晴對月，莫辭閒澹送生涯。

暮出溪上卽號二首

雨轉南山逗晚暉閒和燕子出荆扉前溪遙見驅牛影
一一村畔種豆歸

山青沙白石粼粼直接滄波未起塵溪岸消搖行飯處
中流閒看亂流入

積雨寄稼民弟方同在此莊

同爲岳陽人屋宇相參差如何十日雨迢遞成天涯登
樓見場圃麥積高離離盈村泥活活芒屨無所施山雲
蒼然起羣峯不知門前流浪平水倏去如風馳晨朝
攬鏡歎濁酒思共持努力保百年末與稼穡期

攜酒溪頭酒盡雨至

紅葉山樓集上

二

攜酒溪上飲酒波相映清林風東南來颯然吹我餅山
雲亦大上迷漫如炊蒸雨脚森森明青天引萬繩主客
相視笑興盡可以行徑滑沙自軟衣霑體更輕迴望葦
蒼間人牛紛縱橫始憐力耕者未是心無營

新晴

好雨無妨久新晴更自佳兒教送藤杖僕爲晒襪山
翠濃霑袂溪風亂入懷閒身乘興出偏與夕陽借

望夜雨

雨師長傍岳陽行夜半懸簷有瀑聲清夢驚迴牀漏微
水晶宮闕月朧明

東臬西崦互陰晴粟里花溪少送迎時許虹霓來飲酒
還邀雨脚共吹笙風帷夜入山山月曉枕雲沉樹樹鶯
應笑武陵源裏客千秋贏得避秦名

舍弟三人各自其莊至

城中聚族居兄弟良足歡深林有曲枝積水多澗瀾竭
來掩山扉孤鴻下長川豈不耽閒寂對食恒憮然今者
二三子並至誰招延皆言小麥熟從事場圃關山中一
月雨高壟生流泉持鎌空躑躅沽酒聊纏綿暮霞何澹
泊西南起炊烟出門指郵墟阡陌相接連幸蒙先人力

紅萸山樓集上

三

各保百畝田春秋恣往來晨夕欣盤桓錐刀誠可鄙文
史寧盡捐苟能勤耕穫亦未虛歲年無以子衿詩而易
蟋蟀篇

送稼民返舍

獨向斜陽縱轡遲新晴風日促歸期登樓西望千重黛
此是今生近別離

霽日

曉霽霧欲收青山自吞吐朱曦盪積陰朗然當我戶俯
視見疎罅聚落粲可數溜水抱日來浮光動禾黍農夫
擊柝集鄰舍縑絲語飽食出溪橋微風坐亭午

酷暑醉臥夜分疾暴作幾委頓比曉愈戲示小妻
人生生死如晦明嗟我未識猶營營人生疾病當炎暑
如鳥遭籠魚在煮狂夫嗜酒三十年此身那比陶器堅
聖人忽然爲豎子窮山深夜來相煎雷公沉酒義和睡
獨使驚魂逃宿醉平明童稚笑相看一昔中山恍隔世
從今不薄劉伯倫老去低頭聽婦人

七弟德璉邀至郭莊朝往暮返亂溜水行是日微
陰時復細雨

依山欲十里經流凡幾渡輕陰飢涼颺宿漲開沙路
暖烟際村濛濛水邊樹遂至惠連居頗諧潛夫趣虛楹
積暑避老屋遙山護蔬果不外市雞黍亦立具童時憶
曾過卅髮今已素留連感平生長日易爲暮伏雨止復
集小駟嘶且顧幽興屬清溜朝昏暎來去

與吳容食佳李

團香融臘玉盤堆乞與吳兒一百枚飽啖知卿減鄉思
那餘風味到楊梅

七月一日登前山臥石上與道士語久之

日日對孤岑微風落磬音扶筇秋乍曉覓路樹逾深青
壁澈塵夢黃冠通野心稔知霜葉好留傍夕陽吟

曉起卽目

睡足愛秋曉迎涼獨啓關初陽微寫水餘霧散棲山樹
與禾麻競人將雞犬閒遙憐五侯宅春夢未關珊

再飲溪上

浮烟羃村榆柳晚返照侵溪沙水淺蒨間鳥雀驚忽飛
林際壺樽紛又滿酒人正與夕涼期坐客還云席地善
石梁經日尙溫暎莎草承秋枝深輒行觴碧波爭迅急
對踞蒼山交偃蹇稚子環看入畫圖老農錯語通寒煖
是日晴天無片雲新月如弓挂遙巘殘鐘出寺一帶風
高屐過橋數聲犬蓬心已逐大火流塵袂更教清露泮
他年應笑竹林人黃蘆自近公自遠

紅葉山樓集上

五

答十一弟綏庵見懷因寄諸弟四首

問訊山中況能來領略不屋廬從草草水木故修修禾
稼十分雨峯巒三日秋憑君試遙度此境尙堪留
案酒溪魚小充蔬野菌香行依林作幃醉愛月臨牀秋
淺宜新健山深縱老狂閒尋高士傳若箇足相方
自有琴樽樂還將婦孺俱敲針任螭虎說稼與清娛多
事傭春隱何心擊缶呼朝來感懷抱巖畔見茱萸
荷汝殷勤憶連朝嬾報書恥爭雞鶩食坐使春令疎好
月相延佇荒庭與掃除應攜遠山色歸去慰離居

七夕偶題二絕句

機絲嬌嬾不成章，牽惹黃姑伴恨長。格是佳期聽去烏鵲，隔河無事莫相望。

飛車交碾，海生塵，奇巧由來屬世人。傳語天孫，須下乞銀河一葦，卽通津。

秋光

解道淵明日夕佳，秋光次第到山家。薄寒激激浮雲葉，細雨濛濛養豆花。螺髻千峯爭渲黛，蟬聲萬樹半拖霞。橋中不羨商山樂，况乃飄搖上海槎。

絕句

中元暫返里第

住山情未厭，奈此城中節。山月苦隨人，天明不成別。

紅葉山樓集上

六

春日揚州贈別鮑生

庚寅二首附

鮑生落托揚州居，負郭無田曾有書。五嶺三湘競邀致，既行不行皆失計。飄零半載彈鋏歸，秋雨秋風葦門閉。去年偕我紅橋春，乞詩兩度俱逡巡。舊遊畏說蠻荒路，荔子蕉花惱殺人。大別山頭白日暮，漢陽江上空烟樹。惟應黃鶴最多情，解迂君來送君去。騷人遺跡動堪愁，長沙欲弔聊復休。招魂酌酒定何許，孤月猶明鸚鵡洲。自古多才天所薄，我亦將歸臥林壑。陽春相和一高歌，池上梅花向人落。

送友人倦遊南歸

霜葉落不盡寒山初嚮晨熹微臨近郭慘澹送歸人短
轡趨長至同舟異暮春辭家非坦率作客合因循海日
低迷晏齊風泱泱新遺邱懷管鮑末契感雷陳妙繪飛
騰筆輕裝蕉萃身舄吟終戀越裘傲始拋秦我枝拙於
鼠君情厚若醇經時賓共主此際病兼貧忽聽三聲唱
回看一榻塵江河來祖席方寸轉車輪舊夢還隨馬遙
期定卜鄰分杯到童僕傳語徧交親已釀黃花酒長烹
紫錦鱗年來足離合相望莫傷神

紅葉山樓集上

七

飴山詩集卷之十二

青州趙執信

紅葉山樓集下 古律雜歌詩四十六首

養病山莊自贈

息機逃世網所樂在幽僻自纏疾痛來體性彌不易門
戶矧多虞氛垢日以積託茲屋數椽拘維暫如釋分庭
得翠巘習我相主客春風去不盡紅藥猶狼籍掩關策
枯藤獨踐昨行迹高鳥未倦飛斜陽蹇將夕

偶題

坐起如孤客誰知意緒佳高閒三歲病富貴一庭花綠

飴山詩集

一

麥朝經雨青山晚上霞餘生能保此何事覓丹砂

悼修竹

碧嶂清泉總可悲萬竿修竹異平時主人猶自矜風調
不惜荆花惜柳枝

微雨山行

小麥花開秫始萌村墟處處黃鳥聲肩輿曉出犯霧雨
住山一往多山情岳陽南下紛澗壑羊腸數折分馬陸
我從世中來措足轉覺坦易無歎傾連峯倏閃溪沙白
濕雲散入炊烟青飛鳥忽縱見平曠東西石馬相逢迎
瓏頭草盛纓鉏聚林端人過雞犬驚何當桃花未零落

仙源作記頌淵明

石馬村東
西各一

田莊贈十一弟

結屋偃青壁當門界白沙山雲千畝亂溪月一條斜飯
芋蔬厭雨樓香棗送花比年康樂思對爾欲無涯

涉淄水感懷

鼓瑟吹竽豈自由少年鹵莽長年羞而今不作齊門客
才泝清淄最上流

循淄東下借十一弟及樂使

淄水多伏流浮沙渺雲雪兩山夾步幃錦綺參差列綠
山出村落頗有佳田疇山風吹瓏麥湧作淄水流衰翁
跨蹇驢兀如乘舴舨快意綠陰中矍鑠思一逞自我廢
行步遊涉恒因人因思舟船適共說揚子津今年定有
年我疾亦應按及爾裹贏糧秋風期鼓棹

重過遼兎厓

不至幾四
十年矣

竹馬心情老病侵嬉遊舊迹與誰尋攬衣無限存亡淚
屋角低迷夏木深

郭莊夜坐示七弟時十九弟自麻莊來與十一弟
先醉臥

空村轉山陰落日荆扉啓壺樽儼然陳知汝久相俟兼
旬隔歡笑盡日困邇迤解帶就中庭新月色如水小弟

何處來移家傍畏壘阿奴幸不至火攻吾免矣夜分各
醉散偶語未能已家門盛衰由老大哀樂指南山白楊
風石闕自硯硯擊名良足寶勿遺後人恥

偶題

不逐飛龍隊後看玉鞭金絡疾於九肉生髀裏渾閒事

企脚樓窗對馬鞍

山名

西岡柏林北日芟除旣畢成詩

柏性本貞直獨立絕依傍何因植作叢不得表孤尙緣
岡若荆榛櫛比失條暢兒童濶其下鳥雀喧其上衆正
相壅遏遂令氣沮喪山翁持斧斤荒蕨親滌盪一一千
丈姿競與雲烟抗林陰忽澹泊野望轉疎曠雨濯青銅
柯風裊蒼虬狀勿抱棟梁羞廟堂正宏壯

喜孫淳夫王通遠見過

林下移茵避午晴溪頭跋馬辨人聲解襟相對有野意
濁酒一壺還細傾日影留連緣北至麥黃深淺入西成
草烟犢路頻來往便可山田事耨耕

刈麥二十韻

今年麥有秋民飢俟已久况聞雹爲災洶洶在衆口鄰
封未大創疾疢類分受客從歷下來所見蓋希有青天
籠鱗飛平地拳石走填溢濟澳波迅掃南東畝哀哉屯

雲稼俄頃化塵垢斯言足震駭恐動徧童使擊柝月在
天揮鎌霜出手聲疑食葉蠶勢作逐兔狗立使場圃間
累累積如阜村人拾遺穗磨至惟恐後趨利或顛躓爭
雄相怒詬舉世本同情豈忍笑粗醜由來食爲天性命
係升斗皇天於螻蟻何得區薄厚疆域氣難齊災祥事
或偶朝廷無漏恩鬼神有枉取收穫如盜至古訓良不
朽明以告農人辛勤不相負

嘉苗歎

壠頭草枯麥亦枯春來雨雪一日無壠頭禾生草亦生
入夏時見甘雨零老農昏暮拄鋤立荒塍蛙鳴草露濕
三人終日相競芸未抵常年一夫力苗稀不及稂莠高
下鋤急處傷嘉苗

月下場中聽歌

晚霽場圃靜空村雲月閒此時歌白雪偏稱對青山十
載遠高調中有解病顏溜流入新雨清響寫潺湲

寄訊稼民弟登馬鞍山

十里馬鞍山依依戶牖開峯巒列城堞梯磴造天關雲
月忽明晦仙靈應往還望餘疑蔓蒺病起待躋攀羨爾
身手健當茲耕稼閒杖藜入蒼翠行飯上孱顏名嶽分
尻臂清溜轉玦環看徐窩臥處黑子著塵寰

曹歸省侍

夏雲鬱重陰長晝趨庭闈清涼雖適體寧不懷炎威入
門奉杯酒歡顏幸無違槃散郤伯步爛熳萊子衣疾病
歲月未放佚禮樂微嗃嗃竊自保憧憧何所希

宿因園

獨臥境倍寂心清恒有聞終夜風雨聲水與竹平分經
時棲窮山自謂遠垢氛却返風麟洲頽笑麋鹿羣

夜雨曉微山行漫咏

霧外雞爭咽村邊客暗過溪流夜痕亂山雨曉涼多幽
徑披禾菽生衣潤薜蘿空懸荷鋌侶猶未具烟簑

觀漲二十韻

紅蕖口樓集下

五

積陰歸山南風日啓清麗午景浮前川奄忽水大至初
聞聲震蕩澗壑助遠吹漸見勢瀾漫坡隴各易位前奔
如有程橫潰遂無際擺簸困喬林崩騰圻厚地荒涯牛
馬迷吼沫兒童悸空村走若狂余亦曳杖出半生放浪
遊動與潮濤會濁河千丈波八月夜掉臂竭來臥山陬
每愛沙水細消長固有時變更或失計乞假淫潦資依
倚岡巒勢造次快狹中蒼黃逞雄氣蛟龍羞蹙縮魚鼈
縱凌厲小利欲何成暴興恐難恃大海在宇宙終古不
涸沸一瞬汎濫流祇遺元冥媿褰裳謹漫投濯足存深

致高咏秋水篇斜陽斂晴翠

雜題四絕句

積雨藥欄斜復斜
日日出看朝霞牆角已然覆盆子
樹頭猶絳牽牛花

宿醒初解飽藜羹
捫腹荒園自在行
擬喚鄰翁誇食指
雨畦新長紫膨脝

瓜滿陽坡沒草萊
荷鋤人未是凡才
祇應名向青門得
悔縮東陵印綬來

移牀恰就井欄平
槐葉陰濃水氣清
機事自勞心自逸
夢迴不厭桔槔聲

紅萸口樓集下

六

荒畦

荒畦斜接小橋東
芒屨閒追杖底風
波影淺深山翠上
夕陽紅白豆花中
蛙喧未覺官私別
馬死方知失得空
不用更求黃綺伴
防教青史記園公

羸馬新驚
因寄興

耿明府再枉山居奉留小飲

伏雨靈來徑倍荒
亂蟬聒處日猶長
頻教仙令過愚谷
始信閒人住醉鄉
白水青山圍促席
紫茄紅莧侑飛觴
前騶莫便施街轡
門外秋晴澗草香

七夕示內二絕句

香濃燈暗立秋庭
近月微茫欲辨星
窺盡風情是烏鵲

人間空自媚丹青

宿醉狂顛近病慵
明河篇詠媿春容
衰翁都未經營巧
那得天中記到儂

十四弟邀同王眉山之城子莊兩兒隨行道中戲
呈眉山

秋山前分遠相引
秋水中曲行相遮
山似主人久傾待
水如客意紛交加
賽驢亂流等鳧雁
稚子疾走過磨農
知君體極念平陸
黃塵深穩眠牛車

王居新城地無寸山

晚出城子莊感懷

落日溪山劇可憐
散霞斂黛入村烟
村東老樹渾相識

紅葉山樓集下

七

春雨騎驢四十年

錢塘曹自蕙來視余山中將之歷下訪友

門前西湖水枕上浙江潮
作客二十年此間誰久要我
病不能行君病不能止
驚蓬將落葉正值秋風起
擬過大明湖愛其清且淪
湖月照歸夢西子笑煞人
聞有賣藥翁壺中隱天地拄杖會成龍
贈君莫輕棄我本東海客
願從安期遊當飛赤玉鳥與子偕來不

書病三十四韻

積飲腰脚濕我行浸不良
左杖杖乃立右杖人乃行
立如枯朽株臨厓常恐傾
行如弄郭郎俯仰何郎當
所居

是危樓去地等丈強上下恒慄慄甚於陟高岡因之出
入稀竟日依匡牀傷鴻與病鶴垂翅長悲鳴引頸望青
霄已矣將翱翔逸久筋骨舒避俗心神清况爲婦所制
什九損杯觴秋風來超忽溽暑潛退藏邇覺版厓閭蹠
動如有營初試屢畏縮積日能支撐乍可歷柵闕漸已
出戶庭遂疎婢與僮不復揚糝糠惟有所持杖與我欲
合并不謗毀推擠勝朋友弟兄雨後天氣佳獨步越溝
塍逶迤一二里至止溜水旁磐石故無恙陰陰棗與棗
恍惚增感歎坐起久徬徨秋水瑩於鏡照影萬念平水
東蕎麥花浮浮蒙雪霜我髮亦如之尙競何短長新卜
杏葉嶺其兆獲允臧餘年自天假寵辱皆過望足力幸
見還蹇蹇固無傷跡落吳牛隊吟作檇雞聲村岷盡相
安山鳥亦不驚南山千萬樹斜陽變微赭歲豐人和樂
病起心飛揚秫足不虞客稼畢宜多晴寄言舊遊侶能
來我同登

枕上聞雨口號

農意欣厭客興狂雨聲夜半滿藜牀
浸淫麥脚赴春日洗滌林梢承曉霜

偶行溜岸見病涉者遂呼工伐槐樹爲橋於水上
既成以詩落之

村東溜水寒不流行人脫襪愁窮秋山深掩冉北風起
霜刃如冰割人趾山居雖抱利濟心腰無犀帶思不禁
老槐蕭蕭花落盡甘竹津梁辭故林匠人交臂集溪上
三日荒村斧斤響門前綠蔭減數弓水面蒼龍橫十丈
嗟爾百年材始成安得扶持大厦傾從拚歲月山林老
且就支離鄉黨名

晴叢道人歌

長空雲暗蛟龍沈袿褐錦衣盡霑濕一簑不蔽天下人
自愛襤褸僅稱身曦輪忽碾浮陰淨物態繽紛入明鏡
豈知天意厭昏霾却遣人心豔華盛妍皮癢骨各自驕

紅葉山樓集下

九

高冠奇服爭市朝機中狼籍干女指馬上摧殘百獸毛
深山有客堅避世芙蓉爲裳蕙爲帶道人大笑何必然
安能翻飛去人間短策一著無冬夏青天白日相周旋
相周旋從來久斜風細雨無日無激電轟雷有時有陸
魯望張志和散人漁父共高歌但願長晴不願雨霜月
澗身篤速舞

趨紅樹

雨足山容重秋林不悅人微茫覓紅意黯澹度蕭晨
舍弟飛書數鄰翁送酒新因風謝青女九日只踰旬

送常熟馮代公

元振

南歸因懷其弟伯高

南風吹夢田山城，廣引歸心促客程。別酒杯深迷返照，
驪歌聲緩雜流鶯。年來漂泊憐兄弟，老去心情戀友生。
若見江湖舊知己，道余泛宅計將成。

寄聞喜同年張湖州四首令子亦堪久在余家今

以季夏西返

積雨添愁思，臨岐更不任。病滋新別泪，酒引舊離心。往
日空裁賦，高山自入琴。未甘同蟋蟀，不俟早秋吟。
楚辭有惜

日往

攜手瘴江邊，分帆二十年。鵬飛終逝北，龍臥詎移淵。書
到落花後，人歸霜月前。近應減悲喜，消息未茫然。
珠江別後

紅萸山樓集下

十一

今年始得君書

太行遡天上，君在太行西。雨向汾陰暗，峯將海日齊。衰
年稀夢寐，壯歲苦攀躋。尙想東西塢，二嶺名 嶽崧入馬蹄。

故友都零落，端居只憶君。始憐疑落月，絕勝味停雲。老
有相扶藥，窮無可送文。殷勤寄懷抱，但恐不堪聞。

題因園聽泉榭

池光迴映曲欄平，澗水遙穿洞戶行。竟日深林響寒雨，
四時空谷送秋聲。主賓談向鏗匄息，魚鳥心從寂歷生。
憶訪仙山閱亭館，水精簾檻坐分明。

調馮生南歸不果夏垂盡矣聊以慰其客思爾

馮生初騎齊地馬揚鞭欲馳且復下何如安隱乘偏舟
夜半月明聞棹謳夢迴高枕匡牀雨疑是虞山山上頭
借問何緣未歸去本畏嚴寒不關暑九江老翁言語誇
相留計日成丹砂幻人方士跡如鬼使爾參差空憶家
對牀有客同鄉縣絮語明燈常達旦霏霖穿屋雷破山
長晝酣眠不聞見我有善策與君期夜惟飲酒朝吟詩
酒爲客舍愁中物詩是君家世所司擁鼻寒蟬聲屢絕
銜杯倦鳥飛仍歇人愁我病共蕭條奈此新晴好明月
請君強笑開君心圖歸莫問囊中金西風無錢會相送
一夜江河秋水深

紅葉山樓集下

十一

寓感蟋蟀

秋風浙浙度蕭晨又聽王孫吟暗塵本以能鳴常在野
那因好鬪苦隨人機中有恨紅闌嬾牀下無眠白屋貧
怪底西堂寒月夜潛教宋玉獨傷神

人心歌

謾道人心如九疑九疑自古不遷變又道人心如轆轤
轆轤靜夜不復轉指似明星耿耿光須臾風起塵茫茫
儉父塞翁前尖馬癡兒臧穀旋亡羊神仙去人何近遠
白日當天舉頭見欲覓神山海水深海水才可方人心

高樓飲清露自謂無所求忽緣山風墮適與池水謀池
水深尺餘綠淨當深秋纖鱗不容躍薄翼猶能浮初投
木葉落漸轉車輪周冠綫困倒側狂噪聲如抽我時倚
危欄憐爾爲爾羞失勢辭喬柯貪生負清流呼童拾竹
枝立具梁與舟遂使伏機羊化爲釋縛囚亭南日正長
據牖曝且休微煦似有覺徐鳴意相酬蹊童久旁睨引
手鷹上韝翻然棄人去寧爲恩私留本蓄糞壤心妄託
鯤鵬遊勿狃今更生醜鵬滿林幽

伯山詩集卷之十三

青州趙執信

浮家集 古律雜歌詩七十二首

仲冬攜家南發

似有風塵負重教，惹病顏殘年累。妻子多故厭家山，舊夢江湖杳。荒程雪月閒，溪聲遠相送。擬問幾時還。

水稼

抽水融雪作寒條，晃日凝烟午未銷。不用鑿山求寶藏，請看草木盡瓊瑤。時方開礦

乘月下扶羊嶺口號

伯山詩集

一

新醅寒送甕頭香，絮被羊裘煖覆牀。窗際分明曉來月，却於半嶺見微茫。

村宿書所聞

寒雲收日荒村閉，客子到門犬迎吠。主人爲我掃藜牀，炊烟滿家燈火細。入夜淒淒起柝聲，爲言安臥不須驚。明朝日出呼鞭轡，官長新來禁早行。門前西望山重疊，徂徠嵯峨岱宗接。昔爲竹溪逸人居，今是綠林豪客穴。深秋屢出橫官路，赤羽霜鋌不知數。不控錢帛但爭鹽，似與行商舊有嫌。近說軍營議追捕，預愁侵擾遍窮檐。兵盜相尋幾時了，從此行人恐難保。憂心潛訴向皇天。

但願來年春事好主人勿言傷我情故園積旱秋未耕
而今遠客魂營營已歷三冬過半晴聞道江南饒雨雪
前途應見麥青青

磬陽店

谿淺林荒路轉生午雞喚客入村行太山東下山無數

只有磬峯解送迎

早發蒙陰道中書感

多逢公車時
西師未息

山城曙色動征鞍客思遙和路屈盤半嶺烟拖霜影薄
一林風戰葉聲乾賦因揚意凌雲易相比班超食肉難
老我枯蓬任飄轉猶憐袞袞不知寒

浮家集

渡沂水卽目

水落風高沙滿天板橋搖動劇于船風波惡處亭亭立
白鷺飛來乍可憐

峒嵒道中示兒二絕句

斜陽峯壑有無間登頓從今合放閒前路江河久相待
更迴馬首別殘山

長途風物未能諳指點平堤小駐驂雲斲天低波動處
檣竿簇簇是江南

河樓書懷

登樓好風日下窺大河流河流與行人萬古皆不休驚

浪擁去馬飛塵接來舟顧我方當往嗟世誰無求周穆
躋遐年瑤池荒宴遊漢武勤遠略橫汾發悲謳輪臺徒
晚悔呂刑遂終留上智猶役役况乃愚賤儔敵名乏宿
飽嗜利隱後憂失得相波濤死生等沉浮我願乘靈槎
窮源西海頭銀漢不可越羽仙或見收息心罷來往未
託崑崙邱他日騁長望五城十二樓

微雨登吳船贈內

河北征人舍轡行江東舟子刺船迎一千里外聞鄉語
十五年來識棹聲襍被從霜寒雨淨關門不待曉雞鳴
篷窗兒女渾相對別有天涯歲暮情

浮家集

三

淮安感舊

老友遂無一人矣

三日維舟楚水濱重城出入劇酸辛乍過衢陌疑前路
幾歷門庭失故人便恐蒼山都化冢贖憐碧海未揚塵
不辭忍淚還同醉年少爭依隔世身

抵揚州

已丑至亦以暮冬

霧外風生日上遲湖水如鏡一帆馳十年重入揚州夢
殘雪東門繫纜時

贈老友王羲文

心貌日高古生涯長困窮繁華遺俗處風雪閉門中詩
格年俱老雄情酒並空祇應攜麈尾隨我向江東

題王竹村詩卷二絕句

蜀遊及與曹棟亭
離使唱和二集

愛君溫潤足詩情試把新詩眼倍明
西笑悠然識風格
峩嵒迴映蜀江清

橫槊襟情憶阿瞞不教詞客喚粗官
庭柯引得東方鳳
却與羣鷗一例看

旅舍苦雨

北人憚船居失喜入城市誰知屋三間仍與船相似
東偏啟門徑西頭著妻子就中容一席狼籍堆衣履
僮僕隱牆隅坐臥雜徒倚是時天陰寒十日雨不止
荒庖斷續烟敗砌淪漣水窺天如墜淵墜戶每堅壘
行蹤脫塵垢客夢困泥滓扶杖出何緣揚帆興翻起
飛書問舊故恍忽半生死鶴語悲千年海勢限萬里
中路滯留難遙期歲華駛佳霽恐無時因風徑南指

晴夜發舟

殘雨將寒泥客程好風送夜似多情
布帆載得揚州月
直到江頭看放晴

渡江指金山示舟中

曉帆翩翩下瓜步風引鳴鉦入江霧
亂霞紅與日留連
寒浪碧於天晚暮輕舠平進疑不前
後岸潛移鷺屢顧
中流水落見滌洞大海潮歸罷馮怒
長年舞榭指南徐

稚子登艫迎北固金山獨立出江妃翠袖明妝澹容與
高樓綺疏迷故樓歌磴彫闌做仙路可能劃境絕遊人
便合將家就中住

奔牛道中大雪

北風吹船船欲裂萬里寒門吼飛雪空濛江國氣慘悽
宛轉河流水斷絕避地南來惜病身圖於煖日漸相親
嚴寒隨我不相捨蝟縮亟號惱殺人

風雪泊胥江三日

憶昔初維吳地舟胥江烟雨沉清秋十年浪跡經三度
花月迷離和夢去而今衰疾尋前轍滿眼江山對騷屑

浮家集

五

空將賀監酒邊身來臥王猷蓬下雪大船小船寒不移
城扉半掩聞流澌欲問城中誰在否故人三日不相知

重寓葑溪

雪擁葑溪駐短橈城烟巷日未蕭條當年冒雪行吟客
白髮人扶過板橋

老友王南村攜酒暮至明日歲除也

半生客况每平分五過吳閭三見君頓訝形容同瘦鶴
共論心跡似寒雲地饒水怪江難測天隱星祥日欲曛
倍覺年光去人易新醉聊得慰離羣

辛丑元旦

墜漢有還星乘秋見聚螢
判年連雨雪隨客具家庭暮
齒燈辭夜鄉心酒注瓶
比鄰吳語沸夢覺不中聽

二口南村以小舟見邀
昌雪至其寓齋晤汪叟共
飲因談出世之事

屋埋袁安雪巷絕陳平車
偶緣刻溪棹直造彭澤盧
客情况未寧春氣慘不舒
肯酒暢夙夙情言探至虛
坐中老驪仙妙義宜最初
將遺黃石履聊發青囊書
塵網我自縛枯株今見噓
因貧遂疎澹藉病成掃除
况逢膠漆交各保衰殘餘
動靜與世隔形神將道居
巖壑理可恃洞天望非紆
推蓬卽林屋浩然同所如

浮家集

六

陳傅巖宅飲滄酒二首

故人歲美酒相待幾經年
握手春風裏銜杯暮雪前
清談抽別緒紅燭粲華顛
莫覓當時醉滄津意渺然
香歸澹漠色歸空吳越甜
濃拜下風借問當筵賞心
侶何如北士到南中

南村同舟至虎邱訪汪叟

平江小艇如浮蟻誰知中
有天隨子虎邱比屋如聚
蠅誰知中有安期生春風
吹來作賓主條然世外成
將逆斟酌橋頭沽濁酒閉
門各吟談天口松雲盡處
波濤多從今扶曳頻相過

吳中多見故人

南來問舊屢潸然
曠喜交遊此地偏
鬚鬢蒼黃驚雪後
觥籌明白聚燈前
不愁落日還聞笛
肯向空江却棹船
得結漁菴傍
臨頓撈蝦乞米擬終年

亡友顧小謝之子長成示以四韻

帝京詩結契甫里客依棲
往事人俱盡遺孤我獨攜
行年近文賦學語避家雞
赤驥非凡種無輕萬里蹄

旅舍苦寒

溪邊一區屋瑣碎似蜂房
曉日不入牖天風常撼牀
撥囊失裘褐攜勿訴凄涼
穿地燃山火春溫屬故鄉

浮家集

七

門人李定洛爲余僦得陳氏西園兼具器用遂移居之頗有池亭竹樹

客遊如躡空所倚在同好不有磊落人緩急焉可料中
吳舊知己文酒萃衆妙何期援鳴琴往往發苦調子從
天上來爲我濟枯槁黯黯寒霧中孤光耿相照餉遺歲
事修招邀旅愁掃旁舍僦開園水樹春甯窳野性嗜幽
寂羸軀容簡傲幸能亭子雲奚必宅安道况復盛供張
老屋開新耀旣徙忽如歸婦子喧語笑高樓臨廣池臥
起得登眺快心乃不翅沉痾倘終療諸君尊聲至有時
挈榼造請子爲涖盟從容理歌嘯

寓樓見梅花

春綻池邊向煖枝微香初送暮窗知不緣積雪相欺得
坐到樓西月暗時

風雪寒甚聞鄧尉梅花盡矣遂罷同遊之興簡南
村

人生惟有登山臨水可自由與至卽往無所求鄧尉梅
花繫魂夢况與好友期同遊先期十日具小舟北風旋
春作臘月十日乃有九大雪凝冰黏地雲凍天城郭悒
悒櫓聲絕小庭一樹梅始花枯條殘蕊臨池斜遙想太
湖三萬六千頃寒氣浩汗山難遮含香蘊玉無限樹摧

浮家集

八

林掃地一一成泥沙與君對酒空咨嗟君旣低頭就塵
累我又跬步若不遂眼前何處容快意不如徑出人間
世

聞尙有遊鄧尉者寄訊絕句

坡公偏趁未花來自傳誇稱愛半開何似寒風送孤棹
湖山尋徧爲殘梅

詠風鳶學江東體

節候遷移物象分春深城野見紛紜偶緣塗飾能成質
才有因依便入雲線影暗憑童稚引風聲高逼帝天聞
傷鴻病鶴知多少息羽垂頭合讓君

水族有殊珍逢春乃一薦空懷醜毒資豈免烹魚獻玉
筋撥羣羞雕盤壓芳宴濃香越女愁軟美江瑤賤天使
並蘆生人常輕果諫寧知惜命翁談虎容顏變

園中桃花頗盛

仙源無處訪桑麻閒看漁郎引路花忽憶春山新雨後
斜陽屋角散紅霞

春長暮行

良辰佳事春三月惟有江南最開咽綺羅絃管如屯雲
此意要令天上聞天上寒深積氛霧星沉日晦雷霆怒

浮家集

九

爭知勝地隔烟波別是人間行樂處閒居有客夢驚迴
醉倒花前更舉杯再拜青春願長暮年年夏日不須來
聞故鄉春雨霑足山賊旋定

誰送鄉書至能教客意欣遙憐楚江雨直接太山雲禾
麥迴新色萑苻散舊羣春光從爛熳南北許平分

贈李客山

始與李生言世味一何寡既見所爲詩乃知真靜者棲
神入恬澹肆力薄風雅古意默已領孤懷關自寫此邦
盛人文千載非苟且自從科名張不覺江河下邇日光
波靡篇章但土苴誰識荆山珍潛待連城價我來披荒

蕪獨立賞蕭灑晨夕樂居村茗香期結夏松陵烟月新
擬續昔吟社相贈無常辭願得相與馬

和陸村宜止園感舊

小謝別業也
在支硎山下

西莊秋月憶流連舊夢輕拋二十年魯望有居臨鶴市
道林無冢近寒泉桂叢人散香歸水芸葉庭空翠化烟
腸斷嵇康銀時侶殘春獨憩竹林邊

卽事

竹裏幽禽弄曙聲短衣攜杖繞籬行荷錢貼水田田散
榴火烘枝的的明案上鶯溪僧迫促門間狗竇罷逢迎
園林未是陶家物莫遣蓬蒿滿徑生

浮家集

十

夏日甚寒

池上春光去不留涼風乍劇入深秋今年準擬稱高士
垂釣看披五月裘

調南村

憐君久客去留難羃燕檣烏強自安出苦舟車天積雨
衣空紗縠夏多寒人情公叔堪成論仙路淮王未就丹
猶有金門詩酒伴却從流落奉清歡

微雨出望齊門

飛禽有來去久客亦樊籠出郭烟樹好臨波心眼空遊
蹤迷細雨往事入迴風欲上城樓望鄉關碧海通

扁舟吳越恣回環
牘弔遺墟杳靄間
一種鴟夷隨水去
瀉江號怒五湖閒

雨大甚小舟不可前野泊蘆中遙寄寓舍

濕烟爭歸蠡口樹
斜照不開烏目雲
風和雷電一時至
雨與天水難可分
蓬席全收幄幕用
菰蘆合策堂皇勳
行人此行幸安隱
破冢駢書相報聞

暮抵常熟止翁秋允齋與陶改之夜話

滿山青翠半城烟
舊客來停日暮船
還向高齋展長簾
頓驚小友入中年
存亡虛憶風過牖
身世難憑雨暗天

浮家集

蠟燭有花如解笑
杯中興亦減于前

飲改之齋中觀其近筆數首

余以戊午秋與改之先君子師先生訂交

南齊

積陰垂天天在夢
城市沉沉息迎送
故人開徑掃荒苔
破曉相邀見情重
門前池漲欲侵扉
屋後山雲每穿棟
當窗橫几堆圖書
坐我如陳怪石供
雲中飄墮惜斲鴻
濟上追攀懷老鳳
名成了與事無關
身退要令心有餘
新篇出視倦眼明
恍忽晴曦照浮動
始驚題目託迂闊
漸識精神工錯綜
古史披開大木叢
遺經匯入奔流衆
策安太傅涕空揮
引罪舍人言屢訟
嗟我老大獵虛名

俛仰執鞭隨屈宋，偶逢仗士通唱詠。敢向名山藏怨諷，
輸君才更富於年。努力詞場縱飛鞚，竹林勝侶衝泥來。
求日歌呼雜嘲弄，中郎秘賞潛夫論。公子看成酒德頌，
狂酣不怕雨翻盆。夜分臥近牀頭甕。

王西澗招飲見余風鳶之什，病其一字喜而易之，
卽席呈謝。

誰解攻吾短，平生君尙存。便應師一字，何減和千言。古
道浮雲薄，風詩野水渾。高歌空郢市，下客滿齊門。善病
知方藥，離居重酒尊。終期來小宅，細律老同論。

登超然閣望虞山，方苦雨不得遊。

浮家集

三

棟宇開向山，雲烟坐盈閣。良朋許追攀，美酒恣盤礴。清
言殊未厭，長眺忽不樂。荏苒十六年，英靈責前約。嵐光
見掩映，瀑水想噴薄。幽蹤石崩奔，清夢松拏攫。霆霖故
遮籠，病客就束縛。無計限籃輿，何心任芒屨。似聞破山
院，已失昔蘭若。勝境亦靡常，今茲儼成昨。諸君意惓惓，
留我縱歡謔。新霽指佳期，逡巡未能諾。

鈍吟馮先生宅感懷二絕句

青山一掩子雲居，風簸松門雨漲閭。破屋時聞吟嘯苦，
諸孫寒餓抱遺書。

聞世鍾期強聽琴，潛依流水寫微音。微廬未解相料理，

枉被名卿如範金

阮亭司寇謂余尊奉先生幾欲範金事之爲不可解

爲求書者所苦戲題長句

童年弄筆學臨池形狀乖離寧自知一朝逐隊玉堂上
惡札人誇我不讓同時能書千百家一一揮斤稱大匠
鍾王連車顏柳棄孟津穢解華亭貴金針闇度香泉生
垂手迴腰作妖媚人間惟上有上黨馮石室秘法傳來工
遺書拜讀恍夢覺却笑舉世皆搏風癡航苦學今白首
心目分明難上手更趨世好乏精專曠與吳興給奔走
昔賢歷歷如星雲紙墨黯澹餘精神粗知布置亦無益
生氣頓盡真死人長史微言靳要妙時流但解求姿貌

浮家集

三

未經入室數家珍門外品題徒絕倒狗名好事忘我疾
腕脫眼枯復何必諸君且休共我談老馬識途猶尙堪
飛魚殺兔日有事拔旗穿札誰能嫌不然老夫將逃矣
明日衝風催挂帆

閒園偶疾

倦遊偏覺歲時徂歸計荒唐夢亦無僻處閉門饒水竹
客中臥病對妻孥拙謀未就等山誌豪興甘辭貯酒厨
喜與壺公近相識幾將藥物遺潛夫

喜門人仲生至

呈保字羹梅常熟人

積日相求人不知但云家在海之涯扁舟還似山中至

正是去年相見時

送南村之金陵

薊北遙聞日倚闌浙東消息近何如長江有夢交加路
蘋尾休令更寄書

紀旱

故鄉比旱荒出就江南熟餘冬冰塞川春暮雪壓屋夏
雨亦連綿游魚上平陸菜麥彌望中糜爛不可掬農夫
強相勞滿地新秧綠疇能測天心立見起盈縮陰雲滯
千巖赤日戀三伏雨師畏炎官謹避如被楛恒風但蕩
塵微露不濡竹夜星疑助虐朝霞故違卜蒼黃草樹焦

浮家集

十四

廓落江湖蹙坐視高下田併罹炮烙毒野有百歲翁垂
涕語親族屈指九十年奇災再經日頽城走官僚俛首
事巫祝築壇山屢屢焚香雲芬馥始知鬼神尊安取蛟
龍戮哀哉膏澤竭危矣歲事速我聞鄉人言今年倍局
促比舍斷葢藏殘黎聽禾救大運有回環生機互往復
此邦蓮蘊隆北土覬雷足身爲鞭鮒涸心與籓羊觸隱
几仰高空斜陽下枯木

禱雨壇

禱雨壇中日如赭使君免冠拜壇下登壇羽士鬚眉張
劍鋒赫燿疑電光大言雨在三日後三三五五雨未有

空教嬾婦夜懸燈，還見高僧剗襍狗。使君體極心亦灰，
傳呼罷禱卸壇廻。迴迴飲醇醪，臥涼月枕前。隱隱聞輕雷，
中秋細雨夜泛虎邱。

微風和雨裊輕舟，仙侶相將耐夜遊。澹泊月光渾嚮曙，
淒迷燈火更宜秋。綠溪越舫喧殘醉，夾岸秦簫倚妙謳。
爲問西成充羨否，吳中自古不知愁。

遊滄浪亭六首

碧波涸盡芰荷空，落落危橋一徑通。小阜孤亭渾不改，
石枰斜抹夕陽紅。

春風舊壘幾綢繆，海燕歸飛不耐秋。格是自來還自去，

浮家集

五

主人終竟屬湖州

初闢榛蕪便結庵，詩翁何意伴瞿曇。而今會得經營巧，
身後剛容住一龕。

南禪臺殿未全崩，賸遣遊人感廢興。白傅藏詩覓無處，
山門贏得賣茶僧。

曲榭深堂宛轉安，朱櫺碧瓦照荒寒。御書亭子喧卑外，
別起高樓直北看。

梁苑相如故倦遊，謾誇文酒擅風流。平臺未是題詩處，
留待當筵菊部頭。

九日後二日與馮三躬暨泛小舟暮泊虎邱山後

和樹下

溪淺山黥澹移舟薄暮時菊花殊未苦楓葉偶相知
鰕菜秋行酒蓬窗月對棋他鄉作重九歸日不勝思

昨入城行

村畔終歲不入城入城怕逢縣令行行逢縣令猶自可
莫見當衙據案坐但聞坐處已驚魂何事喧轟來向村
鎮鎗枉械從青蓋狼顧狐嗥怖殺人鞭笞榜掠慘不止
老幼家家血相視官私計盡生路無不如却就城中死
一呼萬應齊揮拳胥隸奔散如飛烟可憐縣令竄何處
眼望高城不敢前城中大官臨廣堂頗知縣令出賑荒

浮家集

十六

門外昨聲忽鼎沸急傳溫語無張皇城中酒濃餽餓好
本人給錢買醉飽醉飽爭趨縣令衙撤扉毀閣如風掃
縣令深宵匍匐歸奴顏囚首銷兇威詰朝昨去城中定
太官咨嗟顧縣令

冬夜盜入寓舍取求書絹素及借來器具以去成
十二韻

將家爲客暑寒移老屋荒庭住故宜敢以文章充貨貝
聊因水竹起籬籬舊交乞假施菜几年少過從羨墨池
隔日街頭買鮭菜比鄰燈下見書帷門生匝月空邀醉
開府經冬爲療飢儉歲支吾中饋倦羞囊消息與家知

辭餐每媿劉真長
作劇偏逢戴若思
半夜雨聲人宴息
平明晴色舍猶披
絹佳去製他人襪
釜破留供稚子炊
堂室空虛元自慣
庖厨周歷想應嗤
珠拋象罔求何益
火失參元賀莫遲
猶有詩篇盈篋在
肯輸光燄與偷兒

題別西園竹樹二絕句

劇憐修竹滿西園
半覆清池半擁門
便與王猷惆悵別

春來誰復護龍孫

自余來居
荀得成長

古香老柏小樓隈
閒看紅桃續白梅
黃葉林前碧梧畔
本香開後木樨開

浮冢集

七

館山詩集卷之十四

青州趙執信

金鷲館集 古律雜歌詩六十二首

元日野行至虎邱訪汪使山居

歲朝連達明舉世狂奔走火盡爆竹寂於人竟何有老
夫睡足起小飲隔年酒扶杖歷溪橋傾心嚮山叟微陰
水澹淹餘烈風颭莫厭野荒涼會見春花柳望塔屢
促步叩門乍攜手案有設肴核習無宿塵垢談言出烟
霞歸路迷林藪天下今日人頗復有此否

贈何樊圃

本吳人今
家杭州

館山詩集

一

何生天下士逸氣凌太虛心隨鴻蒙遊家傍湖海居才
大不可降入世憎拘迂偶然涉技術管郭遂並驅曾羅
山川秘手握造化樞平生仁智情藉此聊發摠豪吟愁
憤中縱飲衰病餘去吳四十年作客來鄉間余昔飄忽
別再見悲喜俱雖對鬢鬢改未覺肺腑殊往事空鬱積
古風久淪胥流萍須臾聚逝水晝夜輸恒恐宇宙狹未
易容此軀茫茫吳越間豈乏幽遐區憑君語山靈爲我
開雲衢大地何處避諸緣倘自疎焚絲斷婚嫁急景收
桑榆薇枯紫芝長偕往無趨

泛揚城湖

春江屈注漾澄波開趁無風有日過薄暮迴帆覺船重
酒邊鄉思載來多

上元觀演長生殿劇十絕句

傾國爭誇天寶時才人例解說相思三生影響陳鴻傳
一種風情白傅詩

遙指仙山喚太真華清一浴斬然新怪來宇內求難得
元在深閨未識人

脂粉無由汗淡妝雙飛端合在昭陽酷憐姊妹開來豔
虛憶梅花冷處香

溫泉清滑浸芙蓉玉女飛來太華峯石作鳧魚猶觸忤

金鸞館集

二

那教取次近豬龍
月殿酣歌夢許攀輕將仙樂落人間笑他穆滿無情思
身到瑤池白手還

垂老荒迷花月場臨淄英略未銷亡投珠抵璧尋常事
風遣元臣駐朔方

蜀山秋雨感飄零殘夢頻迴舊驛亭妙寫鈴聲入新曲
可能渾似月中聽

牛女經年夢亦慵翻從人世管情蹤玉妃應有婚姻牘
才過關元便得逢

黃泉碧落事荒哉差勝樓船去不迴本與求仙情味別

何嘗身欲到蓬萊

清歌重引昔歡場燈月何人共此堂六百餘年尋覆轍

寬裘怪底近滄浪

余以此劇被故事跡頗類蘇子美昔過蘇州有句云聞道滄浪有遺藥故

應許我問菟裘

止酒

年衰萬事倦對酒意多違自識今能否誰論昔是非攝生甘寂寂頌德尙依依從此高陽侶應憐不醉歸

春日閒居雜興

慣作吳中客偏於池上居波光暎朝夕春色媚堦除老柳烟絲轉新桃火齊舒綠斜綠壁鳶白小避人魚石迸微抽筍庭荒自茁蔬開門見麩麥乞友種芙蓉溪唱催鳴櫓鄰簫落步虛晏家從近市陳巷不容車西蜀經營始遠東漂泊餘生涯賸艱食俯仰愧樵漁

留仲生

去年悵望往來舟今日荒齋獨爾留濠上樂魚借惠子竹間羈馬得之采珠辭合浦還應誤璞匿荆山獻已羞眼見蟲沙滿城郭休從戶外覓交遊

王羲文自揚州再至

前年相見江千雪去年相送霜林月祇今就我及深春桃花柳花迎故人蕭條客舍住經時我不飲酒君無詩

日夕高談不知厭繩牀竹杖俯清池疇曩追尋足哀樂
此意要令兒輩覺春光冉冉隨流去投老留君復幾度

贈王豁然鍊師

一笠一拂子飄然何處來相看出塵壺共語坐莓苔道
氣山巖秘仙期劫火催樓鄰得深穩浮海且遲廻

寓居新營門屋

局促復局促狹巷與破屋更教蘚壁一帶陰遮斷秧田
千畝綠蓑衣墩前草樹濃朝曦暮靄交翠紅早知烟景
麗如此合是開門元向東林塘彎環溪流轉溪上風帆
來近遠客到惟貪野色佳門前坐臥門前飯欲移勝賞

金鷲管集

四

入中庭池北牆頭起草亭諸君能爲王錄事好待秋晴
攜酒至

水車怨

水車啞啞晝夜忙新秧參差青間黃踏車兒女汗如雨
恨不成流入田去我來田畔每低徊何術驅日呼雲雷
老農在傍長太息縱有甘霖亦無益憑君爲憶一月前
二麥街頭不直錢典衣未及買升斗數日化作風中烟
天心沉沉應不改被隴連雲秋可待但愁雨足水增波
無限帆檣指滄海

王鍊師之洞庭東山因寄所主席氏

羨君家傍林屋居碧琉璃上開精廬偶經殿陛一喫酒
歸臥烟霞惟著書我欲攜筇遠相訪莫釐峯下恣來往
聞道松雲擁翠微此中豈有塵埃想長抱心情奈病何
洞天窈窕許誰過淩秋遙見赤松子直駕蒼虬劈白波
老僕自故鄉來省候

投筇聞人至中懷詎得舒殘年親舊僕久客怯鄉書弟
姪存亡隔田疇水旱餘飄零尙多累愧爾遠求余

後禱雨壇

今年禱雨者爲誰相驚云是真入兒築壇百尺臨廣場
可憐費盡白日光城中家家斲食肉屠兒遙望高壇祝
似聞大吏真愛民白汗揮漿行匍匐三日無雨禱者羞
更移壇向何方求移壇未竟雨大至大吏屠兒齊快意
真人聽雨強爲歡來日不須重上壇

躬嘗見示以新例宏開當有彈冠之典却呈四韻
行齊槐柳詎堪追途迫桑榆合自知叔達顧來寧有甌
相如免後更無貲鱸魚落手中吳好黃犬頭上蔡遲
解道簫韶能引鳳何妨一鶴不來儀

王南村重寓虎邱旋之西湖訪其表弟錢塘令

身落江南夢不移飛鳥三匝未安枝湖山風月年年改

爭遣人心似舊時

錢塘明府賢中外應向花前說故鄉莫只臨波愛君子
忘憂容易入秋霜

新秋有佳日

新秋有佳日欲與春暮爭不知誰號召但見人傾城臨
江建大旗擊鼓鳴金鉦香烟聚其下來往聞經聲岩巖
彌羅閣寂歷滄浪亭梵唱與仙音緣雲遠相磨西竺降
尊宿南極應壽星駐世百千年佐時長太平我冠盛服
者交臂何縱橫玉帛以自將禮煩文更增由來耳目中
未有斯光榮春風又將至奚以稱物情

池北構室略如舟製小樓冠壁極望平楚日夕曠

金鷲館集

六

然可盡雪月之趣

思光貧無屋牽船却上岸求叔作舫齋高文世爭羨近
來巧規製但欲侈輪奐往跡偶相循勝境時自獻茲廬
亦人居歲月幾遷換垣墉曖蔽虧牖戶荒漫漶淸暉日
晃漾只尺不可見我來運新裁無計改舊觀故交數敦
迫合力佐營辨因材幸不乏闢地復何憚初矜外閒敞
漸覺內清宴遂就佳簷楹水木酒然變四窗終日開城
郭充近玩山影墨池中人聲碧天半昔賢欣頡頏幽賞
恣昏旦秋月正徘徊稻香復爛熳過從素心人文酒期
無間雪際剡棹輕花時漁路遠暫成避地蹤未適逃名

願倚披高士編應媿梁鴻傳

虎邱暮歸小舟口號

稻花菱葉滿流波秋色其如夕照何
噴泛不知柔櫓亂前川微月雁聲多

聞南村說近日西湖成六絕句

昔遊恍惚失東隅聽向尊前與恨俱
羨爾輕舸去來處他年雞絮得將無

翠輦生疎歲月深無清山水自清音
祇應堤畔殘花柳長抱春風望幸心

花月爭邀半醉天風光何似紹興年
已知歌舞休來久

金鷺館集

七

留取湖山作可憐

平湖空水不容魚人跡誰侵處
士居放鶴亭依黃屋在更將封禪較相如

風篁松栝匝幽扉日日悲風捲落暉
擬上高峯喚西子分將濃抹屬明妃

空山清夢閉烟蘿重阻江南一帶波
憶與漁洋解嘲語

平生六一未經過

阮翁未至西湖深以爲憾每引歐陽公以自解

池上桂花重九前始放

微雨暮來過樓窗香自生枝頭少女定
池面上弦明物色三秋逝淹留一徑成
故叢黃綻否近節倍含情

生別離爲友人作

生別離奈病何枕邊一掬淚江上千里波秋風吹隴鳥
却向來時道豈不識將歸隨君異鄉好濃妝剩今呈香
閣失前曉鏡裏十年容君看一時老妾意長纏綿君情
寧棄捐願移君病著妾體宛轉君前不辭死

猛虎行

斜日荒荒下西麓居人競唱烏棲曲寒風烈烈吹北林
客子聊爲猛虎吟猛虎遙自雲中來長江直越驚浪開
邇跡不經義興里磨牙却上姑蘇臺臺下家家血擁戶
夫死兒殘不敢語材官壯士閉連營大箭長弓散平楚
朝昏烟火蒸高空猛虎四顧心豪雄百萬蒼生供食料
東南赤地作提封帝闕冥冥望不極土木明神訴無益
何當長者垂綬過願爾全生北渡河

南村移居師子林是故人張纘三宅

遙從松吹認幽居恨賦偏成感舊餘逝水年華鳳毛短
飄風計畫鵲巢虛山樓只有仙來往苔徑都無人掃除
衰病飛揚前度客重尋石磴曳衣裾

生涯我已入羣鷗何似君爲不繫舟乞米未甘拙言語
寄居猶擇好林邱擔來僕厭書填麓臥處心隨月挂樓
此外惟餘我相對聽君酌酒數交遊

悲春申

君不見檻猿夜出函谷雲，楚王獨相春申君。江淮嶺越
五千里，鼻息飄落風霆奔。賢名未抵平原趙，苛法詎作
商於秦。苦將珠履慕時勢，巧以蛾眉留主恩。細腰本自
章華愛，妙舞還從響屣分。金鋪玉砌隨地換，雕盤綺食
逐日陳。棄擲猶令犬馬飽，積漸不覺僮奴尊。但知白日
長，當戶豈信黃金能去身。福貪無望心無主，老聽李園
陰。進女一朝變，起家爲灰寧憶朱生昔。三語紛紛食客
善，逢迎更傍誰門曳。履行三戶遺黎掩袂泣，五湖高士
刺船聲慘淡雲迷。蒼梧野微茫，月戀闔閭城。姑蘇臺上
餘荆棘，慣入王侯大宅生。

金鷺館集

九

嘲南村復往金陵

金盡囊空不自羞，江風慣引去來舟。遊人燕子磯頭見，
便合呼君作莫愁。

閒

清池長在竹籬前，蓮葉生來倍可憐。梅雨入檐侵乳燕，
柳風吹牖帶新蟬。稻生客至無妨鍛，賀老船停定好眠。
每擬龍沙覓消息，不知閒外有神仙。

贈鄰居黃孝廉孚五

桐陰入我樓，竹徑宛相接。未與主人謀，素心遙共悅。昨

來叩荆扉一笑覺全別溫溫就冬日皎皎落夏雪浮名
世徒稱幽抱我默結濡足汎濫中沈吟慕高潔菊意淡
可親蘭芬近彌烈晨夕多奇文未應遺靖節

虎俵行

虎在山林本畏人近日公然入城市借問何緣敢橫行
俵鬼巧黠爲之使巧能炫惑黠善啼形軀擁腫音聲低
腥羶慣向山神獻威福潛將上帝移虎目耽耽尾蠢蠢
乘風伺隙甘人肉可憐俵鬼弄行尸死向虎前猶拜伏
天上忽落飛將軍勁箭出手霹靂奔白額繡作赤血文
摧挫不復成山君滿城歡笑喧入雲俵鬼區區難解紛

金書館集

十一

承迎香火欺愚民驕語不怕社公嗔自訟平生未食人

木偶人

土木偶相視俱爲人非人當其得意時軀貌勝於真廟
中高踞街中遊訶呼雷應雲香浮豈知血食與還歎但
詫威靈春復秋俄然土碎木投棄一入江波一委地土
已無聲木尙迷更向陽侯乞神惠泥沙滿身了不哀報
道隨流今却迴

吳民多

吳城鬱嗟哉吳民百萬過昨日城中哭今日城中歌歌
聲如沸羹訟口如懸河攫金撿粟恨民少反唇投牒愁

民多昔知臨吳附吳魂今知臨吳赴火蛾逝辭吳城不
反顧嗚呼奈此吳民何

夏至雨中遣興

庭際寥寥起曉陰門前犖犖絕車音熟梅節過猶宜雨
苦竹年來自竹林但乞厨烟消白日敢期鼎藥變黃金
流光又向人間短合傍江湖寄隱心

東坡水車詩犖犖
犖犖現骨脫

兩使君

吳江水與京江平傳言不及京江清吳儂刺船向京口
每到江頭聞哭聲停船借問悲何故婦孺含悽老翁訴
彈章如夢不分明奪我賢良使君去賢君一去不可留

金鷺館集

二

三春四境空歌謳變歌爲哭向誰道從此悲聲無了休
儂聞此語但驚視兩郡連波三百里非同地北與天南
那得人情遠如此儂家使君已二年班班治績惟金錢
可憐淚與髓俱盡萬姓吞聲暗望天比來神吏雲中落
眼見長蛟被收縛雪牙血吻人不逢始得悲愁化爲樂
老翁老翁莫浪語世事朝晴暮還雨停歌罷哭無紛紜
看取兩家新使君

今年家書未至

未免懷鄉曲春來有去書眼看移杏火夢斷遺河魚浪
語懸熒惑離憂積望舒兒孫半癡點何許最關渠

貞觀半視詩

古人不可見古物彌足珍何由劫火灰出此月半輪墨
精凝體質文燄護鬼神寥寥貞觀字千載今猶新想當
濡毫時得近蘭亭真文皇睿聖姿歐虞爲之臣治平堯
舜齊筆札羲獻親詎知几案間終起滄桑塵圭璧寧免
割干莫忽中分所幸得所歸不向俗手淪主人何如人
疑是房魏孫故家與遺寶會合良有因錢刀方施行玩
好各盛陳願同鼎彝藏求與詩書敦紛紛詞章容賞譽
徒殷勤秋晴上弦夜何處容烟雲

何樊圃歸自京師黃孚五見邀同飲齋中暮大雷

金鸞館集

三

雨夜分乃散

歸人遙說廟堂安酒客初尋比舍歡忽被殘陽送雷雨
頓教仄徑起波瀾干將氣向雲中隱海若端從燭下看
莫倚題詩陶謝手芭蕉桐葉總凋殘

坐客有以
詩自命者

偶過東田別墅

愛從幽僻問寬閒小憇青林碧沼間解與衰翁作酬對
荷花渾似昔時顏

苦熱二十韻

共道今年熱三吳得未曾出尤初燁赫閑伯故憑陵威
借融風扇驕看赤日升九霄爐土覆萬彙甑中蒸避地

知無處深居轉不勝晝長惟兀兀夜寂更悄悄始覺衣
冠累徐將飲啖憎汗多頭雨漬氣極腹烟騰垢膩隨身
具膠鬪觸手增詩書渾再火枕簟謾如水慣浴情淫水
耽眠日惛燈熨籠拘戶爨刀箭戰蚊蠅羽扇救時相斃
甌耐久朋裸裎真足法剝啄底須磨醉與昏相倚棋因
病不矜差勝趨府吏深媿住山僧老柳依朝蔭空池愛
晚泓時寬覽甦息吟苦遠師承人境都如夢天心詎可
憑遙遙問霜雪幾日始相乘

移牀

移牀就池上未許便清涼所愛夜不寐荷花時送香竹

金鸞館集

十三

近有露氣柳疎多月光妻孥與烟火漸遠漸相忘

久旱

雲雷不上天水澤不入地但依天地居未識天地意日
月惟有光熏灼令人畏江湖非無波減縮難自濟一從
夏五晦倏忽秋已季雨如日南球遠徒還無計皇穹下
照臨了不厭苛細何緣斂益益詎肯垂唾涕哀哀生民
命岌岌旅人勢北海故揚波歸歟歸不易

簡南村余與汪叟絕久矣

分泉已謝檀香井乞火誰過師子林傳語留侯須好覓

山邊黃石是黃金

祇憑靈語接神君，宛若無精積寇軍。
青鳥飛來歲星去，白頭父老夢中聞。

送兒念返里

獨向秋風制老悲，三年情事汝周知。
祇憐作客緣婚嫁，誰信還家是別離。
鼓擢揮鞭南北路，塞鴻江燕去來期。
故園諸父驚相對，若箇形容似我衰。

知兒愚不祿

人來無汝書，問知汝病久。憶我臨行言，汝命繫于酒。汝弟昨獨返，強笑神憎懷。新婚胡不戀，我意默已疑。重翻家中書，漸覺心了了。舉室相掩覆，不向老夫道。我從學道來，所期在忘情。未能得病愈，豈肯使憂生。汝既不我聽，我何爲汝哀。天地風波惡，夢中汝莫來。

戲題池內魚罾

贏得絲綸就碧波，微風不動殺機多。
魚蝦匿影知何計，星月都將入網羅。

索紙行

君不見相如病免過臨邛，人前車騎猶雍容。
程卓何知重文士，偶緣令客來趨風。
丈夫無財亦無勢，枚馬重生不能一錢值。
賸將書札動交遊，落落明珠暗中棄。
多生宿垢根，塵現老以虛名。刻筆視臨池，却憶求浮屠一字。

時人輸五萬近來不擬徒揮毫微潤聊且慰啼號眼中
吳兒詎得爾日日門前空索紙窮交舊識理則然金穴
銅山情最鄙公等不以財事人才人何苦虛辛勤金帛
與文字分不兩相親文星斂光避錢神烟霄失據糞壤
尊胡爲乎長卿四壁羞文君千金萬里來長門寥寥一
賦狗監聞天子飄飄欲凌雲同時在廷無比倫赤車馳
檄聲雷奔富人匍伏獻笑顰姓氏反賴相如存我今卜
居迫荒村鷄衣魚釜三寒膺所與往還惟賤貧一彼一
此鼻鸞分吟詩作字強續紛譏評賞譽皆狂昏逝將歸
去北海濱退筆處向青山根南望但見波云云此中墨
瀋千秋新公等齷齪何足云

怡山詩集卷之十五

青州趙執信

迴颿集 古律雜歌詩七十六首

將之江寧與南村聯舟暮發

暮冬十日

三年潛菰蘆每出昧所往揚舩無遠近都未愜夢想今朝借舊侶忽欲成北上歸計尙迷漫客心且浩蕩波寒山啓途日落風送響蓬底對微醺笑言聽盪漿

曉過惠山口號示兒慶

此行將爲之婚

陽烏棲柁送江關坐爾萍流老未閒貌我龍鍾入寒日

荒烟落水九龍山

怡山詩集

奔牛遇雪呈南村

交期垂盡蹙同舟八口飄零感未休一瞬南來還北去三年風雪度奔牛

將至鎮江漕艘擁塞河淺不可以前南村由丹徒

開覓江舟余以肩輿山行兒子騎驢從之是日大

風寒止江口觀音庵

寒潮夜上二十里萬櫂交爭三尺水舡艇失勢洄激鉤

籃筍多情躍水鯉故人寸步依江南死守窮波遲挂帆

稚子衝風行不顧揮鞭導我緣山去盤迴犖磽陟層巔

忽思歸夢中路青松離離映城堞江色空明與山接

問君拔脚歷千尋何似低頭藏一葉信穿闌闌臨江頭
僧房茗粥能邀留却憐比日同誦唱復作東西遠相望
夜宿觀音庵不寐

長宵風逼劇寒生引盡深杯醉故輕雪色侵龕燈半壁
江聲撼夢月三更未成洗鉢金山寺翻遣聞雞鐵鑿城
爲報僧雛催曉梵暮年心地聽教清

明日買棹南村昏暮亦至乘夜遂濟江

待君終日坐心與水潏迥大舶凌風至高帆冒夜開乘
槎近星月破浪入雲雷却訝剡溪棹攜將安道來

曉大雪順風張帆行大江中竟日日暮抵觀音門

題颯集

外

海雲祕日朝光黝潮擁江迴水西走浮玉便娟尙趁人
鍾阜英靈已招手篙師振柁與寒爭風伯催帆向空守
雪花有意紛斜來助我推蓬喚沽酒兩山夾岸獻瓊瑤
萬里平波糝星斗葭蘆影亂渚烟空鳧雁聲多凍雲厚
是時舟中心目開共說平生未曾有太行峻聳坤輿脊
田盤幽探滄海口曾經積雪徧峯巒未免遊蹤倦培塿
何如坐臥恣中流賞麗揆奇在襟肘不愁短晷失奄忽
頓覺長江吞八九慕府山頭落晚鐘廿年頗憶曾來否

題燕子磯

凌波掠雪似飛飛千古長巢在翠微
桁斷何由伴朱雀
巷深底處覓烏衣江山社換無來去
宮殿春殘有是非
贏得扁舟南北客風高日落鎮相依

寄寓朝天宮飛霞閣

殘冬日月忽闌珊
瓊鬢託仙居
夢亦閒
愛向飛霞啓東牖
半城晴雪映鍾山

萬歲殿

明太祖實
葬其下

明祖手持一杯酒
布衣劉季真
吾友我云心跡類
曹瞞
權略雄猜相後先
請看疑塚七寸二
漳水江波同可憐
後來孝陵傳夜哭
應緣馬后悲孤獨
金川禍變起兒孫

迴颿集

三

萬古傷心一殺戮
咫尺神靈知未知
但誇寶訓能昭垂
貂璫兇焰汗天地
守府諸郎強半癡
功臣冤慘相隨盡
此事差堪軼隆準
酷刑大杖塞殿延
總向皮場摹粉本
煤山萬壽聳崢嶸
猶是囚依萬歲名
蛟龍乍始終
蚯蚓
深計何曾到後生
腹心手足歸司禮
氣節文章養何士
金棺無主隱寒灰
鄒園巖巖自崇祀
楊裘公子笑口開
量爾元非萬乘才

金陵雜感六絕句

寒波一半女牆圍
淮月江湖地盡非
莫倚詩情吟舊蹟

六朝金粉雪霏霏

秦淮流水枉情多
黯黯輕塵覆短莎
桃葉何須更迎接
試教微步與凌波

秣陵王氣倍分明
帶水包山作大城
嬴政東遊朱北徙
千秋二主費經營

蓬萊宮闕擁千尋
元武湖光浸紫金
留得碧幢酣宴地
不隨東府共銷沉

深宮燕子弄歌喉
粉墨尙書作部頭
瞥眼君臣成院本
輸他叔寶最風流

瓜蔓刑書邁暴秦
教坊往事懼人神
纖兒風義皆花月
但譜滄桑舊院春

迴颿集

四

新春獨遊莫愁湖上望石頭

殷勤江南春慰我
遠爲客東風引遊心
忽落城西陌湖光漾
微晴山意動新碧
偶容亭榭連遙喜
舳艫隔岸柳鬱未舒
水烟澹逾積飄蕩
兩晴鈴凋殘幾家國
地形長虎踞鼎北
屢龜坼峩峩帝王業
瓦石同狼籍天子與
佳人俱供後歎息
兵戈或取快粉黛乃
增惜宴坐歌無愁
酒徒信良畫跋足
傍漁庵沙禽飛格磔

南村將攜家附漕艘
北返見邀小飲話別贈之十

六韻

擬作餘生別重論
半世交盟心渺京
邑揮手黯江郊住

事蕉覆鹿浮名星繫匏絳遊千畝失曠闢一官拋花月
迷牀第金蘭誤斗筭自矜身皎皎人怪氣休休粵嶠懸
輿誦吳閭集客嘲藏孥輕鼠穴避地愛鳩巢有意營三
窟無師禦二嶠羊公慙舞鶴周子耐潛蛟老飲情偏減
窮吟體更拘仙期耽煉石妄夢泥觀爻故國虛風木他
鄉戀畫橈真成魚在釜始見芥辭坳冉冉分南北匆匆
對酒肴臨圻翻贈策爲我挂船梢

晚行句容道中見月

寒靄澹平川松風散暮烟江迴天北望月試歲初弦衰
病青陽外行藏句曲前歸程任顛倒客舍待團圓

廻颿集

五

行次丹陽登舟口號二絕句示慶合

野曠日瞳瞳輕塵撲袂紅寒驢蹕不進應是打頭風

歸夢迷揮策連宵屬岱雲吳歛轉柔櫓重向月中聞

上元前夕却歸寓舍

紅蘭燈火遞相催白板林扉久始開船尾潛移春澹漣
樓頭高引月徘徊情牽五嶽婚還嫁興盡三江去又來
且與妻孥話風雪屠蘇遙接歲除杯

贈善相人李生

世間橫目子蚩蚩不識人口與文字緣心向金錢昏中
吳莽如游羣妄相沉淪狡極反成癡晨夜竟莫分我此

居四年交遊徒紛紜舊者日以疎來者日以新對語已
薰猶迴面卽越秦厚薄不自覺貧富以爲因顧之不勝
笑習之無足嗔李生挾術來無乃唐許倫始至廬市輕
未久名譽聞人驚辨窮達我愛知心神了了燕石中迴
得璞玉真每期與生俱出入令隨身譬如持神鏡光氣
奪日輪山鬼與人妖望影爭崩奔詎能挽末流且欲張
吾軍豁然耳目前塵垢無復存我將買歸棹去去與誰
陳江湖自萬古一任魚龍漚

虎邱玉蘭傳是齊梁間物

春風不戀梵王家繡嶺荒涼紺殿斜西望六朝文物在

廻颿集

六

辛夷閒放最高花

門外菜花大放

日倚閒門對野塘愛看十頃菜花黃柳因烟讓分明色
麥向風偷散漫香夜半霏微經好雨溪頭平遠放斜陽
春來每載兼旬酒擬換他鄉作醉鄉

爲菜花語風神

寄謝封家十八姨三春二已不多時黃金狼籍那收得
莫倚顛狂抵死吹

何樊圃攜慶自西山返各述所歷因憶湖山舊遊

昔我遊石湖月滿秋水盛湖影與瞻光天地兩明鏡旋

爐入支硎黃葉糝幽徑戛石一枝筇穿雲數聲磬斯時
饒勝情亦復能濟勝坐使具區涯羣山期泄盟春帆挂
濃雨風力因寒勁一瞬失靈巖吳宮莽寥夙未追朱公
泛且得鄧尉迎晚霽虎山橋湖山動晶瑩月上縹緲峯
迥與西崦暎却笑西子湖近人如妾媵晴光曉漱澗香
氣日奔迸一昔四十里梅花漫林垓外拔峯巒周中積
玉雪賸三萬六千頃晃朗欲相競平生登覽懷爛熳茲
遊罄歸路穹窿頭曠輿皆逕庭憶從鳥還巢翻覺獸在
窞重來足滯留欲出奈羸病譬如今年舟水落不可榜
四度過花時三生罷佳興君能抵掌談兒學擁鼻詠馳
想踞繩牀烟嵐滿清聽

廼颿集

七

諸葛菜

半庭紫豔映青苔丞相軍中舊種來千古英雄羨名士
並時讎敵歎奇才星沉陣石闌江列春聚營花匝地開
爲問鄴都并落下荒榛殘甃不堪哀

暮春送仲生偕慶遊虞山

吳地春事喧今年減大半偶緣長官嚴頓覺風流變香
花冷僧寮裙屐空仙觀寥落千人石笙歌付夢幻支硎
松篁叢禽鳥樂相喚嬌女紅閨啼長年畫舫恣疇昔尋
春人扃戶亦愁歎始憐韻士懷非爲幽境戀小兒好事

口日聒山水縣熟知乃公意常在破龍淵吾子滄海期
已寄徂徠畔未免故鄉心臨行彌縫卷似聞簫鼓聲不
畏旌門遠放權及佳時巖花正凌亂

贈山陽程遠復

程生意氣傾四海騎虎攀龍一身在半生賓客散如雲
可憐誰繡平原君黃金百萬隨手盡猶倚雄豪不解貧
前年酌我淮水上一石鯨吞不相讓今年過我闔廬城
笑談欲罄今古情丈夫方寸納五嶽那得人間無不平
我行雖迫白日暮西望槃散作徐步聞風縹緲弱水深
想像騰車引前路君才與年俱莫當且復斂穎囊中藏
斗牛紫氣常浮動定有張雷識劍光

廻風集

八

池上歸興四首

三年池上鬪蕭葉手種荷花今再開老柳久拋青眼送
故山屢趣白頭回杜陵潭北終須去庾信江南劇可哀
未免違他慈氏戒連宵桑下苦低徊

郊居風味賦來真不道元非土著身盡室兒童語音換
比鄰雞狗應聲馴門當秔稻關晴雨溪有魚蝦給主賓
莫待秋風剛舍去紫菱紅芡倍留人

經年坐臥小樓中日夕指頤望不同亂灑松聲楓葉雨
平翻麥浪菜花風池光浸牖天如鏡林影穿帷月似弓

最是勾留魂夢在畫船居岸桂成叢
卜築初心擬隱淪投林揮手莫逡巡
漂搖屋宇慙新主
老大文章想替人遠海忽傳珠徙日
高梧長憶鳳棲晨
書窗映竹題詩處未必官奴與掃塵

歸舟

望齊門外望青州一室歡聲入棹謳
十幅風帆半城月
最難圖畫是歸舟

是夕泊胥江

茶竈餘溫尙未休全家已到水西頭
胥江舊是關情地
來卽盤桓去却留

迴颿集

舟中題別四首

九

移家行不易猶傍越來溪但道興亡忽難將
去住齊舊
交知落落前路覺淒淒曉月偏無賴
拋人獨向西
頻年居北郭豈是卜南村唱和無一女
招邀能幾門程
書困毛穎止酒病文園此際成追憶
中懷已不存
遠聞吳季子高義至今空自許
言辭熱相矜酒肉工情
輸船尾柁事繫渡頭風道是華胥國
元來一夢中
久住我自厭將行人罕知黃金憐
汨沒青翰喜推移地
豈千年改才應二陸遺如何相送處
不見一篇詩

風雨早發呈同舟何翁

南風稔識客心懸曙色沉沉促放船川漲十分扶梅雨
山光一帶蕩孤州城闈好憶遼東鶴津路閒論絳縣年
誰似洛中諸好事解呼李郭作神仙

行次樂社念颺兩兒却從後至蓋自故鄉來迂亦
以雨夜泊潯墅舟相近而不知也

濕雲初散蘭陵道乾鵲登桅喚清曉舟人息擘理帆蒲
歸客憑舷玩烟草忽從遠岸聞招呼急足追奔似飛鳥
廻看一艇三數人半翳低篷難了了須臾二子過船來
相與喜笑還驚猜中途寄語教坐待何事匆匆輕往廻
答言小向揚州住眼見長江心欲渡朝朝倚柁問篙師
夜夜懸燈認津樹昨日晨過吳市門婦孺皆言已歸去
却憑關吏指分明宛在前宵同泊處是時大雨如翻盆
船船相並不相聞詎知岐路生夢寐一寸波光萬里分
老夫垂頭長太息由來物理無窮極天地山川反覆時
父子當前不能識何況悠悠世上情空馳南北勞吾生
正逢午霽解維好互語家園我臥聽

丹陽舟中見蝗飛蔽天爲口號二首

霖雨排風晃日光江湖無計限飛揚唐宗已去誰吞得
恣向人間索肺腸

東齊草樹罄青春財賦江南識要津遮取魚龍盤踞地

始知田祖信能神

雨泊京口驛去端陽數日矣

江頭繫纜坐清深愛聽潮聲厭市音酒自六朝何薄薄
雨經三日故情情空餘滄海乘桴興無復春波接葉心
聞道魚龍嬉戲絕金焦晴色尙堪尋

仲生及三兒子冒雨登金山

江上日無事雨中山有情行教鷗鳥引身落畫圖輕攀
塔呼義御巡欄歷化城僧寮憑寄問經歲幾逢迎

細雨渡江

江雨已無時歸心坐汗漫移舟方曉陰鼓柁遂平旦風

迴颿集

七

威乍衰歇潮勢小凌亂放目極東溟收神投北斥往來
三十年自許知津慣詎料大江中修途有遷變疇昔譚
家洲雲樹浩沃衍上天下息壤橫割中流半西來萬里
波迫感強廻旋金山復後逼對壘日挑戰蛟龍束狹中
盤礴每騰竄行舟出其間紆折避湍悍長年互手語過
客疑夢幻矯首望名藍蜃市忽隱見近知陽侯意擬使
桑田換水弱能侵蝕地久易渙散俄然失洲渚不假走
雷電潮濤如鼓舞魚龍亦矜炫直馳赴海門千里一飛
箭平平揚子渡去險就清宴浮玉倍分明金碧堆素練
何人解鄉導路繞山三面帆搖塔影迷掉憂闌干徧列

牖與篷窗相依作死轉我時臨船舫婦子同賞歎昔來
所指似今者充近玩兼存溯游興不苦攀躋倦江山具
賓主烟雨荷祖餞勝境况叛關離情彌眷戀歸語曾遊
人南風起遙羨

端午抵揚州假寓于使院之前嵯賈之館頗寬潔
有竹數十竿

圖歸觸炎暑中路仍滯留就喧與居卑豈復郊原幽蕪
城百萬家泉廡不可求江山一區隔花月千載羞猶喜
離使者避我停真州門前荒草積日夕鼓吹休紛飛附
臭虱奔散當車牛遺此虛閒館可以坐待秋庭前有此
君風雨相綢繆主人不願識聊比王子猷

延風集

三

亡友王羲文之子攜酒見過

眼中磊落見王郎地下交遊失老蒼離合栖栖徧南北
往來冉冉判存亡素琴挂壁空留水長笛臨風易夕陽
強作清談不成醉廿年前是此蒲觴

初訂交以
庚辰五月

王竹村招飲北郭園亭

幽徑萬琅玕森沉夏欲寒酒人愛亭館詩客賞林巒畫
舫清池外紅橋綠樹端斜陽連北郭金碧一橫看
有以詩卷見遺者自題曰江南某戲成絕句

黃金白雪水岐途濫耳何人解聽竿自許周郎擅江左

不知消得小喬無

遙寄程遠復江寧

閒把松枝坐竹風道林蕉萃罷談空如何一片韓陵石

遠在雨苔烟草中

李山甫詩雨苔烟草石城秋

題王鍊師湖上新居

師能醫與余有山中之約

萬頃波光裏平添屋一區
焦庵惟結草董杏偶論株
飢鳳下依竹螿龍深養珠
太山阿閣在莫只戀菰蘆

聽人說平山堂走筆成長句

江山絕佳眼無有城郭人多少
花柳明月難居吳越前
炎風肯落青徐後楊家天子枉銷魂
往迹慘澹雷塘塵
從來不信江都好濁水污泥愁殺人
紅橋艇子如兒戲
賸舉平山共矜異歐公蘇公喚不膺
到此低頭畏後生
爾曹但擁多金足自了何事關他千載名

遠復自江寧來見邀城東吳氏園賞桂花

出郭野望遠到門秋樹深
相將轉幽徑何處暮遙岑
香向小庭發人因佳霽尋
微風散杯傘斜日襲衣襟
競作詩騷語難通醉飽心
鍾期江上至使我愛橫琴

憚氏園

梧陰竹徑積苔痕石壓關干水浸門
二十年來盛衰事
試憑遊客問名園

戲題王九蓮莊詩卷因呈其兄竹村

並賞分評何所似天台連接赤城霞
朝川漫著裴居士相國元來大作家

離使來居院羣賈日夕囂於門寓者深苦之簡東
子竹村遠復

學道苦未精隨地爲喧靜寧知人事殊不繫心與境
朱炎駐城府高館閑深迴屢隘晏子居水渫陳仲井竭來
三晦朔坐臥得閒冷風引虛牖陰月散疎竹影自矜漸
秋清不虞有塵警呵導與鼓吹一朝集何猛終宵報金
柝彌日鬪朝請雄聲引遙和俗狀見羣騁翻嗟豺狼威
必假魚蝦逞潢波天上分潦濶街中幸名輩往還妨幽
人夢魂梗庭堦猶昨日惡草徧俄頃聽嬰想喬木輟食
悔深穿借問同心人何方適箕穎

重九前得家書知緹妻亡因遣其以車重先返

使爾先歸我後期蓬蓬南北本難知已甘半了餘生債
何意平添久客悲下澤車輕載書牘稠桑店僻覓程遲
可能里舍初還日剛及天涯好去時

廣陵潮

錢塘八月潮如雪月滿風高更奇絕無緣却到廣陵城
羅刹難移吼怒聲漢代收生妙躡賦指點王家舊封處

千年文士不分明競倚升江味秋暮驕龍昨夜吞五湖
茫茫海底沉陶朱驚濤真入揚州郭一舸空悲文大夫
寒雨移居

北風吹雨如亂麻還家客子還移家不嫌觸事得瑣碎
但願隨地無諠譁巷狹兼聞絕冷僻屋稀正喜非新華
輿僕暮行郭索蠻妻孥寒入盤屈蛇樓頭可以見帆檣
戶外亦復賣魚蝦鄰無卜處謝王翰酒有載者充侯芭
行藏斟酌漸解籜歲月參差屢及瓜更餘一遷向何許
冰雪湖隄薄笨車

朱公之子歎

迴颿集

五

朱公累萬金本非無識人能知莊生賢尤重莊生貧中
子何其愚殺人楚都市俛首獄囚中將謂富無死莊生
三寸舌能使萬乘聽長子乃鄙夫顧欲賣莊生明日赦
令下今日中子刑持喪與金歸朱公含笑迎視金不肯
輕視弟不復厚救死既無庸積金夫何有世間榮與落
譬若反覆手肯哉臨光言勿爲他人守

留別遠復臥病

卯酒鷺黃夜蠟紅留連話別未匆匆驚心歸客成衰久
迴首情交在病中入舍空多彈鋏士同車無復抱關翁
相思此後腸何似汶水千迴却向東

召伯鎮別王鍊師

趣途辭水宿蘆舍訝初暝強借僕圍情未適麋鹿性故人攜酒來清言引幽聽魚罾帶月供馬策臨壚贈道心緣時深塵慮入山定莫負春風期爲君掃松徑

暮行湖上

寒光灩灩汜光湖靈蚌深潛定有無聞道天龍貪採拾寄言休炫月中珠

道中憶遠復

悔向高堂鬪畫龍茫茫江漢枉相容除將濁世佳公子更有何人料理儂

迴颿集

六

蓋世聲名志未伸海山底處問前因征途有客閒相語便恐人間無此人

淮安客舍題感

伏波慣作賈胡留偏向山陽一夕休長老無緣重問訊少年何必共言愁凋空桃李松應凜食到魚蝦虎亦羞况復歸心似清濟寒烟一道貫河流

渡河憩旅店中從弟德瑞共語竟日

大河成却渡北客始知歸更欲吟春草相將語夕暉霜凝秫酒熟水斲鯉魚肥身世沉吟久臨流賦式微

郟城道中

炊烟惹翠逼寒新，傾蓋亭前憩馬茵。
遺老含悽說生事，今年餅餌屬行人。

山行遙寄何翁

崎士仙蹤未易攀，竊人好語且須刪。
怪來郭璞藏身地，只是因依浮玉山。

大雪過十八里嶺

嶺半下見
新泰縣

羣山如故人，走迓二百里。
風雪亦有情，掀飛作狂喜。
鰲峯後依依，寒翠入我指。
曉與驛塵辭，幽意引行李。
初等困梯攀，前歷得遲池。
僕夫愁厓谷，客典超泥滓。
西望大山雲，冥濛擁雄峙。
近臨稍開豁，烟火見萇爾。
一身蹉跎餘，萬象迷漫漫。
裏盟心謝英，靈終焉託畏壘。

廻颿集

七

顏莊卽目

溪水彎環落雪痕，亂山高下盡當門。
漁舟添箇溪頭纜，便是江南黃葉村。

村宿嘗新釀調仲生

比年對飲杯在手，只憶家山寒夜酒。
今宵與子細細斟，頗謂老夫失言否。
京口百花香透罌，南溇澹泊秋露清。
酒人猶自意索莫，但覺平原醉不成。
何如雪後開新甕，金粟晶晶點霜重。
竹爐煎出寒乍輕，玉盃盛來空不動。
日辛喉滑到臍甘，倉猝滿引能微酣。
從此桓公老從事。

應傳別譜過江南

河莊戲題

欲知太行摧車道扶羊嶺頭雪初曉欲知蜀棧天梯路
青石關前冬已暮深山犯難誰相從吳兒使馬如擾龍
不如倚柁聽歌好溜水塵沙愁殺儂

問弟姪兒孫來迎者

憐余爲客久迎勞見情親忽憶前相送而今減幾人

宛颿集

六

館山詩集卷之十五終

